



ル 5
3637
2



門 5
號 3637
卷 2

西域聞見錄卷三

外藩列傳上

哈薩克

晴侯氏曰藏書



哈薩克伊犁西北一大國也即古之大宛乾隆二十一年大兵進勦入其巢穴其汗阿布賴面降歸服王化受封爵奉正朔人民土宇悉入版圖其地無城郭屋宇之定居不藝五穀氈帳為家遊牧為業分布散處亦無愛曼聚落地多平岡漫嶺草生被野綠葉白根長四五寸牲畜食之易於腓字稱其君曰比相呼皆以名今

本書村落謂之愛曼



西域聞見錄卷三

一

其王名阿布賴國人皆呼之爲阿布賴比也幅幘遼廓
人戶殷繁牲畜衆多富者馬牛以萬計羊無算數人共
妻輪流晏處生子至十六歲輒析產予之牲畜使自爲
計宴會以駝馬牛羊爲饌馬湏爲酒器用皆以木爲之
富者用銅錫以衣多爲華美雖夏月炎熱亦被服八九
層而後赴筵最喜中國之磁器茶葉雜色梭布及片金
倭緞之屬得之寶貴紬緞綾絹不復愛重矣無刑罰紀
律王之命令亦不甚遵如人有罪則衆共紛議罪小罰
以牲畜罪大則共殺之而分其產亦不必關白於王卽

禦外侮戰鬪之事亦其王與衆約會不願者不相強也
歲有納中國之稅牛馬百取一羊千取一伊犁將軍遣
官入其國徵收其王與頭目人等徵之於衆初則大費
躊躇蓋其人之意以爲天生水草天產牲畜我等自費
經營如何有貢賦之說其王反覆開導然後勉從然亦
未致缺額而今則輸將恐後矣哈薩克兩種其一爲阿
布賴比及其弟阿布爾必斯阿布爾班必拉各台吉所
屬與伊犁攪拉巴哈台連界臣服中國每年驅其牲畜
至邊交易紬緞而去其北界之哈薩克又是一種未通

中國人戶尤強盛云

椿園氏曰漢貳師將軍李廣利將數萬之衆出燉煌
萬里殺大宛王取汗血馬三千餘匹身膺侯封當時
神其說者有龍種之號天馬之稱哈薩克地固產馬
通國計之不啻萬萬之數雖高大多力率多駑駘謂
良俊軼者干不得一烏覩所謂汗血者乎地旣肥饒
宜於遊牧以故富足然地近安集延布魯特時相攻
奪弱者之內強者之食矣

布魯特

布魯特回子之一部落也地界安集延噶什噶爾之間
地廣人衆稱其君曰比或有管領一二十愛曼者或有
管領二三十愛曼者愛曼人戶卽其阿拉巴圖雖皆爲
布魯特而其比不一各君其地各子其民力敵勢均不
相統轄不蓄一髮如其比死立其比之子若弟他人不
得與也忌猪肉衣窄袖做前襟帽矩方平頂女子插雉
尾以飾帽風俗語言與回疆大同小異氈帳爲居遊牧
爲業以肉爲食牛馬乳爲酒有額魯特之風矣喜中國
之磁茶紬布煙酒珍之如寶人貧而性悍輕生重利好

殺掠切奪勇於戰鬪哈薩克博羅爾皆畏憚之卽準噶爾強盛之時亦不能使之臣服回子出邊及外國人至內疆貿易者往往爲其擄掠而去大兵平定西域而後始戢不敢騁其各比每年遣使至烏什與參贊大臣請安進貢

大皇帝馬匹絡繹不絕乾隆二十三年大兵征討霍吉占其附近喀什噶爾之布魯特比阿奇木震懾天威帶領所部愛曼人戶阻攔霍吉占悉力與戰上嘉許其功加其比阿奇木爲散秩大臣授職爲塔什

伯里克回城之阿奇木伯克其餘頭目皆賞戴頂翎有差今其部下人戶雜處於葉爾羌喀什噶爾烏什之深山密林之中安居遊牧焉

椿園氏曰富則悖淫貧則攘攬西域之習尙然也布魯特地瘠人貧無農桑之利山多磽确乏遊牧之資故其人貧貧則盜盜則習於強梁而無恥所謂無恆產是以無恆心也使鼯鼠飽於餘粒鷦鷯穩於一枝則足以窮其伎倆矣

安集延

安集延回子一部落也其汗額得訥最爲著名既死其弟納拉帕塔立統領四城最大者曰豪罕三萬餘戶爲其汗之巢穴次曰瑪拉噶爾二萬餘戶次曰柰曼萬餘戶最小之城曰安集延千戶耳四城之人皆其汗之阿拉巴圖乾隆二十三年歸附 中國在布魯特之西有城池屋宇村堡田園業耕種土產穀豆瓜果皆備而桃稱獨絕畜牛馬恆圍獵人不畜髮辮禁猪肉衣圓領窄袖帽方無翅其人率居權子母積載貨行賈冒雪霜犯危險經年累歲不獲利不歸內地皆呼之爲安集延回

子亦猶各城回子至外國總呼之爲喀什噶爾回子也椿園氏曰安集延克食米兒皆西域商賈之鄉儉嗇褊急習染成性寄跡回疆土人皆惟恐其去去則其地之貨財不能流通而回人大有不便矣

博羅爾

博羅爾西域別一種也在葉爾羌西以土築屋而居有村落無文字不通回子語言惟衣帽與安集延彷彿其人深目隆鼻繞隊濃髭其風男女無別恆弟兄四五人共娶一妻次第歇宿以靴懸戶上爲記生子女亦以次

第分認無弟兄者與戚里黶之以齒爲序地多砂磧
鹵可耕者稀人多苦貧歲收不過二麥一半畝而已多
桑取甚曝乾爲糧或山羊之乳借以餬口馬湏爲酒稱
其君曰比以入爲賦稅凡生子女六七八人則納其三四
五人則納其二所賦子女皆鬻於溫都斯坦哈薩克安
集延及內地各回城爲奴婢值頗昂每口以五六十八
九十金爲率性怯懦往往爲布魯特沙關記擄掠人口
鬻於他處亦不能校

椿園氏曰雖凶荒災禳之極而回俗無賣男鬻女事
故大戶回人奴僕甚少所有者多是博羅爾子女耳
近年以來土爾扈特霍碩特亦多鬻子女與回人爲
奴良可慨已

敖罕

敖罕一大國也回子謂之克則爾巴什在退木爾沙之
西其地絕長補短方數千里稱其王曰汗城池壯麗人
戶富盛天氣酷熱多雨多奇花異果五金珠玉寶石金
剛石松竹杉皆其土產有瘴氣多猩猩亦通其人言語
巨蟒長蛇熊羆虎豹不一而足地產象耕田負重皆取

於象間有牛如中國之象男女聚觀以爲罕物風俗淫
佚無入倫尤重男色人人皆有妓童童之袴皆繫束以
細鎖鎖之以防外遇其人種類不一有與內地回子相
似者有與安集延相似者有與額魯特相似者有與土
爾扈特相似者有鬚髮卷曲與鄂羅斯相似者又一種
人亦回子衣帽但目益深鼻益高睛碧色鬚繞頰如蠟
而赤如丹砂多力而橫恣遇有戰陣輒爲前鋒無火鎗
弓矢專用木矛沖突於矢右之間矯疾無倫其鬚用茜
草染之以爲丰采西域人皆畏之又一種人圓領大袖

衣冠類漢唐之制貌多清秀似朝鮮人或謂是後漢之
遺種云人類雖別各有部落頭自然皆教罕汗之阿拉
巴圖奉其教令而侵凌相尙劫掠成風旣大遠於中國
聖人之教又不解佛教慈悲之說嗜殺好利篡奪相循
與溫都斯坦地界毗連各以威力相制迭爲強弱乾隆
二十年與中國通歸入王化
上憫其險遠寬其歲入之常朝貢獻亦無定制聽
其抒誠而已

椿園氏曰教罕西域之大國也亦西域之亂邦也種

西域圖志卷三
類不同詐力相尚人人有自利之心日日皆逐鹿之
勢篡奪相循自古然矣

溫都斯坦

亦西域回國之大者也葉爾羌西南馬行六十餘日至
克食米爾克食米爾復西南行四十餘日至溫都斯坦
水亦可通兩地貿易之人多資舟楫往來不絕稱其王
曰汗其都城雄壯周圍六十餘里轄大小回城三百七
十餘其人深自高鼻多鬚目睛墨白光如琉璃面黑色
脣青色言語類烏鳴回子亦不能辨衣敞前襟帽纏花

布厥土黑壤地極溽暑瘴癘爲害人有頭面生贅疣引
之而長放之仍縮者地以象耕服車致遠皆取給於象
有牛馬無駝羊騾驢不解遊牧之事粳糯秔稻及瓜果
蔬菜靡不繁植檳榔枕椰櫻櫚橘柚在在成林冬不凋
葉人習技巧金漆雕鏤制作精奇所製玉器薄如蟬翼
文成如髮抽金銀爲絲織紉緞氈布遍貨於西域各國
及各回城所居穴地深數丈旁掘土洞爲室室亦絕精
飾以金玉從無地上起屋竝園亭之事其城村似曠邈
無人煙處也郭外大澤一山水秀麗花木蔚然居人多

攜眷乘舟累月經旬游於其內多美釀尙宴會必費數
百金亦多載酒泛舟於澤中者凡其地之公私事務及
一切農工商旅操作交易皆於夜間爲之日出則伏國
旣富庶風俗奢靡其地亦有玉山獨少白金價過黃金
也最貴中國藝器或有攜至其國者爭以白玉盤碗交
易而去惟恐失之而大黃尤爲至寶以黃金數十倍兌
換蓋其地之一切疾病瘡瘍得大黃卽愈百不失一貴
客來及大筵宴皆以大黃代茶人若經年不服大黃則
必死故雖貧苦小回亦必有一半兩大黃囊繫臂前舌

舔而鼻嗅之其地之江河皆通海洋時有閩廣海航到
彼停泊多有以大黃漁利者兩廣福建之物往往有之
或重販至葉爾羌轉入中國矣哈什噶爾回子買得漳
絨一端上有漢字天順字號固閩貨也其國西隅有巨
澤圍數千里澤中有山圍逾千里萬峯聳峙高入雲天
或曰人間第一高山也各曰率各里麻膽達喇斯山中
產獅子於秋月皎潔輒負雛於山中往來頭大而毛虬
尾形如帚黃質黑章如虎皮長六七丈時登山絕頂望
月垂涎咆哮跳擲猛飛吞月有飛去八九里十餘里而

墜死山谷中者其國人以豢養獅子為上戶每當秋月其汗使人取獅以精鐵作柱大如釜密布層遮圍畜之於其中飼以牛時而吼如雷霆滿城震動人畜不寧取之之法擇礮手之最精者開地為阱人匿其中遇有負雛者來乘其不備發礮斃之而取其雛倘一礮不中則拋山裂石人無噍類矣

椿園氏曰乾隆四十年有溫都斯坦之海蘭達爾遊至回疆予晤其人面黑唇青睛如琉璃據云彼乃其地之白皙者耳又云其國之西南數萬里有黑白之

本書海蘭達爾有如內地之香火道人而聚妻生子與回子同

人白者如雪黑者如漆國在大海之中得毋即東粵之所謂黑鬼白鬼者歟因細談其地之事甚詳與子向所聞無異而牽各里麻騰塔拉斯之山高聳至極靈蹟最著其即古人所言日繞之峯歟顧山雖至高無出沒日月之理四圍皆水舟楫可通亦無所謂弱水焉其地暑而多瘴多雨類閩廣水土惡劣之鄉而山有寶地生毛故人繁而殷富惜乎象胥通言不能盡解其說所得考核存據者亦僅參半焉爾

克什米爾

克什米爾回子一大國也葉爾羌西南馬行六十餘日
可至其國中隔一冰山人畜至此須土人駝牽而過其
險尤甚於木素爾達坂其人深目高鼻黃睛多鬚衣圓
領窄袖無髮辮飲食尤多禁忌禮拜尤虔語言強半可
通稱其君曰汗所屬回衆近百萬戶城池周三十餘里
時序平和冬無嚴寒夏無酷暑地土饒沃產名香白檀
紫降人多奇巧精於關捩之術能於山麓起樓引水逆
上自樓後倒垂前檐如水晶之簾善貨販興利江河之
水多通海洋俗尚宴會喜歌舞娶婦花燭之夕輒先有
物入洞房新婦輒昏瞶聽其淫污而去亦不知爲何物
從古至今萬千不爽天時和正山水娟秀溫都斯坦之
富商多有家於其地者

椿園氏曰嘉峪關外多流沙之水間有水泉卽回人
聚居之所餘皆戈壁益西萬里逾布魯特之境莫不
皆然雪山之陽一派沙石兀突怪惡不可形容聞之
金寶之山其上不生草木信乎至克什米爾以西以
北時旣清淑山川亦皆秀麗別有天地矣而溫都斯
坦敖罕各國極熱多雨無霜雪一切飛潛動植與中

國之闊廣無異，豈以其近海之故歟？人習工巧，製造亦詭異精奇，且多術士，南宮蛙蛇之法，五通青蛙之類，往往而有焉。

巴達克山

巴達克山，回國也。在葉爾羌西，馬行三十日可至。其地羣山環繞，田土膏腴，築室以居，耕田而食，亦有牧放圍獵之利，禁猪肉，衣帽同安集延。稱其君曰汗，愛曼人戶四五萬，皆其汗之阿拉巴圖。風尚淫蕩，喜男色。土產米、豆、棉花、瓜果、寶石、黃金。乾隆二十三年，霍吉占叛，兵由

巴達克山
本書又作巴
達克善又作
八達克善明
史八答黑商
恐是

葉爾羌，敗走巴達克山，欲奔溫都斯坦。其汗蘇爾坦沙率兵截路，與之拒戰，霍吉占及其兄布拉敦皆死，輜重眷屬悉為蘇爾坦沙所獲，並霍吉占弟兄之尸，獻之中國，遂蒙

上賞。而布拉敦之子薩木薩克與其黨千人突圍走退。木爾沙退，木爾沙之汗留之，因唆令退木爾沙之汗向蘇爾坦沙索取人口，不與，兩國遂成仇敵，互相戰鬪，相持二年之久。巴達克山大敗，為退木爾沙所族滅，回衆盡遭擄掠。近年以來，其逃亡人口漸集故地，復有千餘

戶矣

椿園氏曰蘇爾坦沙強力勇鬪之人也卒以獷悍之故一敗塗地方其與退木爾沙交惡也雖衅端開於薩木薩克而兩國交戰實各有利心夫西域諸國之互相仇殺非必利其土地以擴疆宇也非必臣其人民以歸編戶也不過取其財貨分肥以為利掠其人曰販賣以為利強吞弱大併小則其常然無足怪者

退木爾沙

退木爾沙巴達克山之西一回國也人七萬餘戶地悉

萬山之中草肥水甘牲畜蕃息以氈帳為家游牧為業稱其君曰汗國無貧乏之人而強悍性成劫掠成俗帽方而上平鞞以牛羊革為之衣做前襟窄袖束腕有布魯特之風乾隆二十三年布拉敦之子薩木薩克逃至其地其汗聞之後因而滅巴達克山敖罕聞之大怒曰退木爾沙巴達克山原係隣好素無仇隙奈何因他人之事自殘脣齒不義孰甚因大起甲兵往侵退木爾沙一鼓而滅之退木爾沙之汗亦被夷族之禍薩木薩克被擒今其所存者亦止千餘戶耳

西塘園具錄卷三
椿園氏曰、螳螂捕蟬、而黃雀伺於其後、黃鳥機深、而彈丸起於其旁、自非明智開通、鮮不驅諸陷阱、況回人之惟利是圖、不恤其餘者哉、退木爾沙以膏腴險固之邦、十萬精強之衆、使其保境安民、何至一朝殄滅、顧乃弊端起於小忿、兵戎動以無名、卒之身死國亡、同歸殲滅、不必更笑其愚、且堪取以爲戒矣。

沙關記

沙關記者、葉爾羌回子也、爲霍吉古之黨羽、大兵底定回疆、霍吉古弟兄伏誅、沙關記逃至外藩無人之境、

苟延性命、同時逃竄之回子、及額魯特人等、漸集其地、羣推沙關記爲君、有衆五千人、鐵甲三百副、鳥鎗五百桿、踞空闊之地、起屋宇、墾土田、漸加殷庶、其人兇暴喜殺、常爲中外貿易商旅之害、夙與葉爾羌阿奇木伯克鄂對本係仇讎、乾隆四十一年、鄂對之貿易回子、悞入其地、沙關記卽行擒縛、畏天朝之威、不敢殺戮、置之地牢中、四十日、沙關記忽自將其父母妻妾子女、盡皆綁出、喚出鄂對之貿易回子、令其看視、而問曰、鄂對在葉爾羌、敢殺入否、回子曰、有天朝之法度在、不敢私

西域圖志卷三
殺入沙關記曰鄂對且不敢殺入如何算得好男子我
不但敢殺入且敢殺我之父母妻子遂俱行凌遲放鄂
對之回子歸葉爾羌使告之鄂對沙關記之利害如此
後沙關記之回子亦被鄂對捉得置地牢中六十日放
出令其徧觀城池戶牲畜器械寶玉瓷器綉緞之類
亦使其歸告沙關記鄂對之利害如此其地在葉爾羌
西馬行三十餘日沿途以馬通爲炊沙雅爾伊什罕伯
克阿拉呼里隨將軍兆惠平定葉爾羌時曾奉令往探
其地因戈壁甚大無柴草故未能進兵勦滅也

塞克

塞克西域一大國也在教罕西絕非回子種類稱其王
曰汗部落數百處各有統轄之人皆其汗之阿拉巴圖
事權歸一無跋扈叛弒之事城池巨麗人民殷庶居室
寬敞整潔人家院落中各立木竿向之禮拜冬夏和平
風俗坦白尚宴會喜歌舞以豬肉爲上饌野牲爲常食
人多力善射發必命中佩標鎗五枝長四五尺取物於
百步之外與教罕稱敵也

椿園氏曰塞克西域最遠之國去葉爾羌二萬餘里

西北與控噶爾薩穆接壤或曰與阿喇克等國大牙
相錯大抵皆世俗所傳之大西洋也然而塞克之邦
風朴民淳人無欺詐尚氣節敦廉恥不得以荒遠而
鄙夷之也

日本

金雞烟道雲秀龍校

西域聞見錄卷三

西域聞見錄卷四

外藩列傳下

鄂羅斯

鄂羅斯北邊之大國也東界海南界中國西北隣控噶
爾東西距二萬餘里南北窄狹自千里至三千餘里不
等稱其王曰汗自鄂羅斯之察罕汗歿無子國人立其
女為汗嗣後皆傳女迄今已七世矣仍襲其祖名號故
國人猶稱為察罕汗也其女主有所幸或期年或數月
則殺之生女畱承統續謂其汗之嫡嗣也生男則以為

鄂羅斯清三
朝實錄作倭
羅斯又作倭
洛斯陳倫炯
海國聞見錄
作俄羅斯
新唐書照曼
斯曼斯續
文獻通考轄
曼斯恐是
明人記坤輿
者所謂莫斯
可未亞又莫
斯哥未亞又
沒爾箇未突
又莫所未得
及近人所謂
魯齊亞者即
鄂羅斯也

西地開身錄卷四
他人之種也。其人深目高鼻，睛碧，鬚髮黃赤。男女皆蓄髮，男髮頻以膠水刷之，使其卷曲。女髮梳爲高髻，男衣縛身，褊體扣繞。女衣裙衫袍褂，悉如漢裝，但不纏足耳。無褻衣，故裙長而兩襲，以銀爲錢，鑄文肖其汗之面，重七錢餘，謂之阿拉斯朗。以洋算成歲分，至啟閉建閏日月蝕，織杪無差。喜樓居，有四五上者，其梁柱頂壁皆用木密灌油灰，不需瓦葺，而金粉雕鑿極盡。人工開窗，四達，或飾以各色玻璃，鏤金銀絲以隔蔽之。次用其國之田皮紙，率皆修整可觀。木多易遭回祿，故火禁最嚴。一

有不虞，則萬家灰燼。室中皆牀几椅檠，酷似南方。男女皆不能盤膝坐。一日兩浴，見親友賓客，無跪拜揖讓之儀。惟接吻以爲禮。嗜茶，然必調糖而飲。噉之食以麥麩爲常饌，魚爲上品，猪次之。以大苜爲佳味。人人嗜之。穀米則充牲畜，棧豆而已。都城雄壯，圍數十里。官制文武皆懸刀爲佩，刀柄有玉金銀銅錫鐵之區別。官階等級視其刀柄而知。其民皆耕田納稅，三丁抽一，五丁抽二，以爲兵。兵各有營，自十六歲入營，給伊馬匹器械，卽不準歸家不娶妻。日居營中，習學訓練，遇有戰陳之事，則

隨其將領而去月支阿拉斯朗錢一文糧一石年至五十而後出伍刑罰極嚴男犯盜女犯姦殺人_{不問謀故}鬪悞以及出邊私入別國者概以斧剝殺之其國名山大川甚多地之肥沃瀟鹵亦錯雜不齊土產白糖冰糖紙茶噶拉明鏡玻璃元狐黑貂狝獐銀鼠灰鼠海龍水獺但金銀缺少其餘果蔬之類咸備鄂羅斯本控噶爾屬國稱臣納貢由來已久乾隆二十年後察罕汗恃其強大不復稱臣缺其貢獻復興兵擾其邊境以故兩國連兵數年不解鄂羅斯累遭大敗喪師二十餘萬因

而大困力不能支仍復稱臣常貢之外歲增納童男五百童女五百而後罷兵其俗最重君臣之義如其汗雖無道之極亦無有敢議其是非者自_上古無叛逆篡奪之事一姓相傳不知其幾千年視他國之朝夕易姓者相懸矣案西北域記鄂羅斯一名羅剎古丁零國也夜短晝長多江湖通舟楫土產五穀六畜百果諸蔬及玻璃色氈金紙白鐵紅黑牛皮皮氈之屬其人皙面隆準深眶綠睛亦有黑睛者漢李陵之裔也卷髮赤鬚衣止裹身履無前齒嗜酸辛食杯酌餐藁蘆飯粒糝橫板爲屋

柵木為城鑄銀為錢編石為簡其教

康熙年間

始與中國通遣其俊秀入我國學譯業受四子書而去
乾隆二十年後以阿睦爾薩納之故土爾扈特之嫌復
絕其貿易不復與通

椿園氏曰鄂羅斯雖為大國而地形長狹無率然環
顧之勢且介乎中國控噶爾之間議守之處太多故
僅足自立乾隆二十年後與控噶爾連兵不解控噶
爾用荀瑩故智東西疊駕虛實聲擊致鄂羅斯地境
瓜分棋判往來救援疲於奔走然後控噶爾大舉入

境圍其國都數千年相傳之統幾至夷滅迨稽顙稱
臣歲增朝貢幸控噶爾仁慈不輕滅人之國舍之而
去則察罕汗不知度量不察形勢之所致也有國家
者軍旅之事可不慎哉然其愛國忠君之義親上死
事之風君子固有多之者矣

控噶爾

控噶爾西北方回子最大之國地包鄂羅斯東西界之
外稱其王曰汗其大頭目亦謂之阿奇木伯克所轄各
城自萬戶至十餘萬戶不等均為其汗之阿拉巴圖合

各城計之小屬於大每一大城屬小城或三或四以至十餘大城阿奇木伯克共計一千四百餘員建都之城名務魯木極廣大南北經過馬行九十餘日東西亦然城門二千四百城內大江三山河藪澤不可勝計宮室闊遠深邃綿亙數百里黃屋朱門皆以金玉珠貝爲飾地產金銀多於石子珊瑚珠玉數見不鮮自鳴鐘表綉緞氈罽尤多奇異俗重大紅寶石如拳如卵者人人懸佩黃金爲錢每文重二兩許居人田園廬舍墳墓牧場各分地界散布而居各種公田猶是古井由法所轄

之地有不富饒者其汗聞知輒親往巡視暗攜金銀無算潛拋擲於人煙聚集之區如金銀徧地間有拾取者尙謂無害如拾取人多甚至爭拾其汗則惻然而憫惕然而懼因廣爲施濟必致比戶豐裕而後已故入其地者曾未有一貧窶襤褸之人干求借貸之事風俗敦厚知禮讓彝倫攸敘與中國不殊迥非西域各國禽行獸處之比唯敬天地日月不知有神鬼仙佛聖人之道每日黎明男女禮拜降經之聲雷動猶 教之風最戒軍事其說以天地生人無非同類柰何以入殺人自殘

同類之理故國雖富強從無侵凌附近弱國之事而兵則精銳鳥鎗可及二百餘步以死敵為勇敗而歸者終身不齒於人數其兵無入在食糧之事入為農出為兵訓練皆於農隙亦同三代以上法也如有軍事其汗量敵之大小命其阿奇木伯克或一人或二三人各選其部下壯丁前往應敵鄂羅斯本其屬國歷有年所乾隆二十年後鄂羅斯停其貢賦七年未嘗責問而鄂羅斯反以兵相加控噶爾撥兵大戰鄂羅斯全軍覆沒喪師八萬察罕汗又起十萬之衆更借土爾扈特精兵數萬

與控噶爾再戰又復大敗以故土爾扈特大懼於乾隆二十五年棄鄂羅斯而投誠中國而控噶爾戎兵數十萬出境長驅直壓鄂羅斯國都察罕汗大恐求和稱臣定於常幣之外歲納童男女各五百人控噶爾許之乃舍去或曰控噶爾西界亦多其屬國歲修朝貢之禮如鄂羅斯云

椿園氏曰控噶爾唯知天地日月無神聖仙佛之說蓋西北則咸之教矣至其國富民殷人無詐偽仁而戒殺故人親其上無敵於四國孟子曰仁者

西域圖志卷四
無敵固不在華夏戎狄也

郭罕

郭罕西域回子之一國也。風俗衣冠居室土產與新疆回子略同。唯語言不通。在葉爾羌西。馬行四十日可至。稱其君曰汗。其人短小。男女皆長二尺餘。魁梧俊偉者亦不能過三尺。然尚氣好鬪。少有不合。卽裂眦相向。有笑其么麼者。則抽刀併命。怒不可解。其地萬山環繞。一夫當關。百夫莫過。故雖小弱。能自立於西域各國之間。羊高八九寸。長尺餘。肥美勝於他產。牛馬高不一尺。駝之大如內地之驢。時驅其羊數千或數萬來葉爾羌貿易。歸則攜布茶而去。

椿園氏曰。夙聞異域有僬僥之國。人皆三尺。東方曼倩以西北大荒有小人之國。朱衣元冠。長皆七寸。海鶴食之。郭罕豈其苗裔歟。又聞其地麥顆大如芝麻。白楊高於江葦。乃人小而一切飛潛動植之物亦從之而收縮。其天地雜氣之所鍾聚乎。

退擺特

退擺特西域別一種也。在葉爾羌南。馬行四五十日至。

其地土宇與後藏相接無城郭宮室鑿山為穴以居種
米麥以食又有以游牧為生者則以氈帳為家人蓄辮
髮耳綴金環其俗敬火每晨以柴燒火向之禮拜有事
亦叩而禱之地斥鹵少出產富者僅足自給貧者多備
工於他國勤儉刻苦出自天性稱其君曰汗即汗亦不
能饒裕惟取所部子女鬻於各處為奴取其值以自贖
與博羅爾相似

椿園氏曰退擺特之人敬火其說以天生五穀地產
牲畜非火人何由而食之人之所以生火養之也固
為荒陋偏僻之論然習之所尚漫以成風毋亦燧人
氏之苗裔歟而辛勤自刻西域所不及則民勞思善
之謂矣

轄里薩普斯

轄里薩普斯在喀什噶爾之西馬行三十日至其地太
城有三皆其汗之阿拉巴圖土產百果五穀六畜黃金
人多巧思且多妖法邪術風俗淫惡男女皆龍陽其塔
里扈魯斯城內有一土阜居城之中央他國之人入其
城者一見高阜輒心神恍惚必欲登臨而後快登之則

本書通其文
義為衆所服
者謂之阿渾

必欲至其顛至其顛則昏不知人逾時始蘇手握銅錢
二文下體已為人所污西域回子皆畏而避之而誤入
被姦者正復不少但多諱而不言耳葉爾羌大阿渾阿
布都哈爾庫車回子阿瓦茲皆曾遇此強暴人問之則
怒不可解而飲酒過醉往往自道其實而聞者無不絕
倒

椿園氏曰回地有勞里之妖好棲人屋宇為崇中之
則發狂疾惑男則女惑女則男人形長四五寸病者
見之他人不之見也回子中有能勅勒而制之者名

曰勞里渾制之之法取住人支解之其妖即滅勞里
渾復呪誦數次則支解之人斷體自續而復生毫無
所苦自歸王化以來不復敢支解人惟施之羊犬
無非邪魅之習至以術行淫則人而妖矣以術行污
穢之淫亦妖所不為者矣

哈拉替良

哈拉替良在安集延之南重山複嶺之中人戶寡弱不
足六七千家稱其君曰比不蓄寸髮不食豬肉衣帽言
語與安集延同氈帳為居打牲為業冬日嚴寒人皆覓

山坳溫暖之處以大木蘆荻構屋而居人畜共處其中蓄糧聚草以禦冬寒至十月雪已盈丈三月雪融始可出作地產獨峯之駝

椿園氏曰哈拉替良居雪山陰奧之區雪至盈丈歲之常耳大雪之年有厚至二十丈以外者人畜皆災矣所可喜者强大之國以其寒苦不屑取之故常享太平雖弱小而能孖也

布哈拉

布哈拉回國也在葉爾羌之西馬行二十五日可至城

本書回地每於申未酉初鼓吹送日西入禮拜諷經謂之納馬茲

池闊大堅厚周圍十二門以十二辰布之稱其君曰汗氣候炎熱冬無大雪五穀一歲三收瓜兩熟人戶殷富習尚技巧錢有金銀銅三品分別濟用重禮拜城內外禮拜寺二百餘處晝夜納馬茲數十次有私行飲酒遊蕩不納馬茲者羣以為敗類縛至禮拜寺墻頂擲殺之男女好修飾其河產各種之魚土產重骨羊

椿園氏曰風俗移於好尚萬里應之如響京師貴骨重羊之皮為冠為裘一時從風而靡其羊短小肉薄但骨重耳黑者極多灰者十不得一皆產於布哈拉

西域圖志卷之四
之地初不甚牧養自通中國以後大獲其利至今安
集延西南諸國填山寨谷皆重骨羊羣也

附絕域諸國

瑪轄堤絕域一大國也都城八門稱其君曰汗地廣大
肥沃土產同布哈拉多虎豹犀象洋磁白糖栽珙金花
白布善製大礮以銅爲之一礮非十象百人不能挽運
每礮盛火藥數萬觔礮子之大者皆重二三百觔羣子
無算一發則掀天裂地威猛至極呼之曰按布拉克又
有自來火鎗可及二百步路通海洋與西洋近

安他哈爾之城看他哈爾之城絕域部落也多山人以
松子核桃爲糧打牲爲業產白礬鉛鐵

賽拉斯之城查爾丹衣之城絕域一部落也以氈帳爲
家地多山石沙壤可耕者稀牲畜少人戶窮苦往往乏
食以盜劫爲生無鳥鎗弓矢人佩腰刀一柄山中生一
種野獸形似馬頗調良可施羈勒以乘行如星電日可
千里名曰特克亞圖其人懸刀騎獸四出劫掠遠近苦
之言語與回子可通

噶拉特之城查納阿拉巴特之城摩勒之城同一部落

也言語與各國不通人以茜草染鬚居大水之湄故放
牲畜千萬為羣食必有魚呼其水曰阿曼多龍龜有徑
十丈魚有長千丈者水鹹苦甘泉亦間有之

烏爾古特雅爾一部落也人皆同回子土產西瓜甜瓜
最佳西域所產無出其右者長及七尺有圓大如車輪
者沙棗之大如梨

盤家越特之城帕爾海之城同一部落也山多牲少所
種小麥色白如粉大麥碧綠桑椹有赤白黑綠四色皆
大五六寸國人賴以為糧衣帽如回地阿渾之製語言

約略可通

巴喇哈絕域一大國也地廣民殷土產各色寶石玻璃
鐵白如銀五穀六畜百果諸花皆盛四時常有赤鱗飛
舞空中噴熱風如火人觸之輒斃惟多食葱蒜大苜蓿
幾得免故其人頻頻啖之又產獨角野羊多水牯風俗
淫亂語言與回子不通

科罕西域一國築室以居耕田而食能造旨酒琥珀色
味極清芬人富饒以金銀絲緞噶拉明鏡為衣倭緞為
緣以金銀絲繡之衣多紅黑二色以海龍為帽帽長三

尺餘皮鞞木底底下密鐵釘不解騎馬人乘牡馬而行
風俗獷悍往往殺人時與哈薩克交易通貿販

阿薩爾之城哈拉多拜之城巴拉之城哈喇他克之城
同一部落也以豆爲飯土產寶石玻璃駱駝如驢國有
一河飲之則癯男女滿面如毛頭纏光明錦布子壯則
多殺其父

噶爾洗別一部落也地廣人稀多高山產獅象其人終
日謀醉男女皆然

薩穆絕域一大國也上地廣大亞於控噶爾居室修潔

織異鳥之羽爲衣光彩奪目

阿拉克控噶爾西北一大國也與薩穆相類人多巧思
冬能使之炎熱夏能使之飛霜以金木製爲人形爲之
服役然非邪詭之術皆人力爲之

哈他木絕域一國人多力善射矢不虛發地介鄂羅斯
控噶爾之間係控噶爾屬國

阿諦在西海之濱與控噶爾連界其人皆長三四丈無
屋宇多處山坳林麓之間無火器而有弓矢刀槊矢及
一里餘然性極懦畏金鼓之聲其婦女長短一如人形

且悉豔麗姣好與長人為夫婦但不能生育耳育必浴於河中而後成孕生女如常生男則數丈矣喜生啖人畜常如控噶爾戰得入馬則裂而啖之控噶爾喜其婦人端麗往往千百成行鳴金伐鼓奮勇而前施放鎗礮煙火彌漫其人皆戰慄恐怖竄匿深山控噶爾亦不窮追但擄其婦女而歸

扎那巴特之城色里丹衣之城別什克里之城阿色里巴拉之城同一部落也地多石山其人於山下取土移之山上而後耕種杏大色白而甘芳絕倫桑椹尤大人資之為糧冬夏僅皮衣一領男女徧身皆毛冠而不袒

日本

金雞烟道雲秀龍校

西域聞見錄卷四

西域聞見錄卷五

西陲紀事本末上

準噶爾叛亡紀略

準噶爾額魯特部落也不耕五穀以遊牧為業以肉為食以牛馬乳為酒有姓氏族系同姓亦不為婚而男女無別甚於回子其王曰汗次日台吉曰宰桑人兇頑慆獷以劫奪為能不作賊者不齒於人數一人能劫數人者謂之好男子習尚然也然亦絕不劫其種人之所有最重喇嘛惟其言是遵遙望見之輒免冠叩首喇嘛手

西塘園具金卷三
摩其頂卽不勝怵舞之至生女擇美麗者進之喇嘛少
婦遇有疾病輒求與喇嘛歇宿經年累月而父母與本
夫忻慰焉卽或病危令本夫領出但歎其婦薄福而已
女子在家生育謂之有福求聘者接踵否則無人問名
也無正朔但以萬年歷按算分至啓閉亦不甚訛謬人
死則棄之移其氈帳而去或置其尸於山野中俾野獸
殘食謂爲亡者免罪早得人化其歌音悽慘夜靜羣謳
令人落淚誠夷則之音也地踞伊犁烏魯木齊雅爾著
勒土斯瑪納斯巴彥代之間地廣草肥水甘易蕃牲畜

人習於勞苦好戰喜殺慣用烏鎗木矛回子各城及左
右哈薩克皆其阿拉巴圖阿拉巴圖者猶華言奴僕也
控弦之衆百餘萬駝馬牛羊徧滿山谷以故恃其強盛
侵凌鄂羅斯溫都斯坦克食米爾後藏鄂罕各國四出
剽掠康熙雍正之間時爲中國邊患用兵數年雖多殲
戮亦未能勦滅其汗策旺阿拉布坦死其弟噶爾旦策
楞坐牀坐牀者卽位也噶爾旦策楞生三子一女長子
曰喇嘛達拉扎次曰阿扎次曰莫克什女曰烏蘭巴雅
爾阿扎之母貴喇嘛達拉扎婢所出也噶爾旦策楞死

西地傳身金卷三
國人立阿扎坐床阿扎殺莫克什喇嘛達拉扎自危乃
弑阿扎而自立烏蘭巴雅爾同其夫叛喇嘛達拉扎擒
而殺之當是時也達瓦齊與阿睦爾薩納另居雅爾地
方各有阿拉巴圖數千戶達瓦齊族貴而無甚伎倆阿
睦爾薩納出身微賤而狡黠兇狠迥異諸酋亦皆不平
喇嘛達拉扎之所為與之相抗不奉教令喇嘛達拉扎
大怒命衆討之達瓦齊阿睦爾薩納兵敗同竄入哈薩
克地方寄迹延喘喇嘛達拉扎與其喇嘛台吉等密議
以二人不除終為後患遂遣其心腹人等領精兵六萬

人晝夜西追搜檢哈薩克各愛曼務在窮其蹤迹期於
必獲達瓦齊計無所出日夜涕零而阿睦爾薩納聞風
卽揀其精銳一千五百人裹乾肉為糧於山僻無入之
境夜行晝伏潛入伊犁襲殺喇嘛達拉扎於氈帳之中
乃迎達瓦齊坐牀以阿睦爾薩納出身微賤故也初噶
爾旦策楞之父利前後兩藏之富欲令拉藏王叛中國
而歸已約為婚姻以其女贅拉藏王之子為壻誘至伊
犁而後索兩藏之地拉藏王問諸達賴喇嘛曰不可噶
爾旦策楞之父大怒遂由回地之沙雅爾潛襲前藏沙

西地門身金卷三
雅爾阿奇木伯克噶爾虎爾爲之嚮導郭壁大近星宿
海沮洳難行人馬多死怒而歸遂將其堵拉藏王之子
殺害時其女有孕共議生女必留之生男則殺之及生
則女也長適於人遂生阿睦爾薩納阿睦爾薩納生徧
身皆血或謂此仇讐之再來也達瓦齊旣立不能統馭
其屬歲多叛亂每有亂必於雅爾取阿睦爾薩納來爲
之調停阿睦爾薩納數請讓之達瓦齊不甘因而成隙
其後達瓦齊漸得人心則以阿睦爾薩納狡譎起兵勦
之阿睦爾薩納自料力不能抗遂率其部落於乾隆十

九年款關投誠

上受降封爲親王 命兩廣總督尙書班第爲定遠將
軍兩江總督尙書鄂容安爲參贊大臣部署滿漢索倫
察哈爾官兵出嘉峪關以阿睦爾薩納爲副將軍嚮導
由巴里坤烏魯木齊直搗伊犁軍威赫盛旗幟被野準
噶爾各愛曼之喇嘛宰桑率其人戶望塵請降角崩恐
後達瓦齊見人心離散自知力不能支陰計烏什回城
之阿奇木伯克霍吉斯爲已所立必不辜恩因率其子
羅卜藏竝親丁百餘騎由穆肅爾達坂逃至回疆去烏

西域圖志卷五
什四十里屯劄而霍吉斯已使人具牛酒以迎達瓦齊之黨以爲不可測也而達瓦齊終以已遇霍吉斯厚立其兄弟四人皆爲阿奇木伯克稍有人心寧不圖報遂殺牛酌酒與衆共醉霍吉斯盡縛之入城迎接 大兵而獻之霍吉斯身受王封於是準噶爾之地悉平

椿園氏曰開國承家盛衰存亡之數夫惟人心之故耳仁慈強暴旨趨不同莫不以得人爲本夫以準噶爾之強其人殷富而勇悍其地廣大而險阻上下輯睦勢總力一恃其强大四出爲患及其敗也 天兵

西下勢如拉朽以百萬之衆萬里之地不三二年間誅戮幾無孑遺豈獨 天厭其種類哉亦篡逆相循人心弛散不能合一之故也夫周以忠厚立國及其衰也雖七雄竝起而猶戴天玉漢以廉讓成風迨其季也雖庸愚負販而均思漢臘有風俗然後有人心所以固結之者深且遠也有明之一敗塗地無怪其然以便嬖巧令爲長材以奴顏婢膝爲圓活風俗卑汚廉恥道喪人心大不可問是說也不啻爲憑卽笑爲迂尙何責於準夷之蠢類哉

阿睦爾薩納叛亡紀略

阿睦爾薩納性狡詐反覆不常彼之導引 大兵夷滅伊犁意欲借 天朝之力立伊為準噶爾之汗始大遂其志蓄心且不可測而

皇上廟算別有深謨阿睦爾薩納自料不能如願遂生逆謀煽惑額魯特愛曼人眾使之叛亂時 大兵俱已凱旋惟將軍參贊駐劄丕爾沁地方辦理善後事宜滿漢官兵僅五百餘人事起倉卒遂被其害將軍參贊死之阿睦爾薩納既叛 大兵電赴雲隻分道進剿阿睦

爾薩納力窮與其親丁七人共入騎奔入鄂羅斯地方大兵追至鄂羅斯其察罕汗使人獻其尸焉嗣後額魯特叛亂不常

上震怒命三將軍各領兵數萬分道竝進誅其男婦子女逾百萬人其零星逃竄於山谷中者曰麻哈沁官兵四出搜索殺之盡絕所存者皆恭順之餘耳於是準噶爾之地盡入版圖設官兵屯田防守畱定邊副將軍駐伊犁鎮撫之

椿園氏曰阿睦爾薩納天資陰狡譎詐反覆之人而

麻哈沁又作瑪哈沁灣陽消夏錄額魯特語謂劫盜曰瑪哈沁營伍中襲其故名姑矣聽之西番以劫盜為夾壩猶額魯特之瑪哈沁也

具有狠毒之才彼其款關歸命時方救死不暇及導
引大兵平定伊犁亦有微勲可錄顧其患難少餘
卽包藏禍心復為叛逆豈非狼子破鏡之尤哉我
皇上聖神文武小醜何能逞其陰謀正大光明魑魅
何所施其伎倆卒之隻身死於道塗遺禍延於種類
夫亦其所自取矣

日本

金雞畑道雲秀龍校

西域圖志卷五

